

# KOMMUNIKAMMA 2 MEI 2021



## **Kontakpersone, indien u meer inligting nodig het oor een van die sake wat hier verskyn:**

U blokouderling of -diaken

Niekie Oosthuizen: 082 561 8747; kerkkantoor@ngkraggakamma.co.za

Ds MG van Rooyen: 041-3600665; 083 413 7100; mgvanrooyen@telkomsa.net

## **TEKS vir die WEEK:**

### **Effesiërs 5:19 en 20 (NLV)**

*“Sing en jubel met julle hele hart tot eer van die Here. Sê altyd in die Naam van ons Here Jesus Christus vir God die Vader dankie vir alle dinge.”*

## **SAKE vir GEBED:**

- Tree ernstig in vir die beroepingsproses. Bid dat die Here die pre-advieskommissie kragtig sal gebruik om onder die leiding van die Gees die regte beroep uit te bring.
- Ons verootmoedig ons voor die Here en bid vir reën in ons opvangsgebiede.
- Die Here se voorsiening vir mense wat tans finansiële en emosioneel swaartrek. Vra vir die Here of jy die antwoord op ons gebede is vir bydraes vir PE-Noord en gehoorsaam sy stem.
- Tree in vir die President en alle mense in gesagsposisies vir wysheid en integriteit in die uitvoering van hulle pligte.
- Bid dat Josh nou geskedueleer sal word vir sy operasie. Sy ma is tans saam met hom in Pretoria en sy pa is terug in PE om na die ander kinders om te sien. Ons bid en vertrou ook dat daar finansiële bystand sal kom, sodat Josh se pappa weer na Pretoria kan gaan om deel te wees van hierdie proses.
- Ons bid vir Willie Moller en Jan Strydom wat in die week vir operasies gaan.
- Ramadan word vanaf 13 April tot 12 Mei gevier. Ons weet dat God die wêreld so liefhet het dat Hy Sy enigste Seun gegee het, sodat elkeen wat in Hom glo, nie verlore sal gaan nie, maar die ewige lewe sal hê. Ons bid dat Moslems sal honger na 'n lewende verhouding met die Drie-enige God. Gebedspunte en 'n Gebedsgids van Jerigo mure is op die gemeente se webblad beskikbaar.

## **There4-bedieninge se gebedsversoek vir die week:**

Bid saam dat die Here deur drome en visioene aan beide Christene en nie-Christene in **Saedi-Arabie** sal verskyn.

## **EREDIENSTE IN DIE KERKGEBOU**

Die hou van eredienste is onderhewig aan al die Covid regulasies. Maskers moet gedra en 'n veilige afstand gehandhaaf word. Vir jou koors wat gemeet sal word en vir die saniteer van hande, het ons alles in plek. Daar mag nou 250 persone per erediens in die kerkgebou wees.

**Indien jy 'n erediens wil bywoon, kan jy die volgende skakel gebruik om die aanlyn vorm te voltooi.**

<https://forms.gle/p7mpVSBnHeYdRYuZ8>. Ons versoek dat jy die vorm voor Vrydag 12:00 sal voltooi.

**Jou bespreking verseker jou van 'n plek in die eredienste.**

Ons versoek hoë risiko persone om nie die dienste in die kerkgebou by te woon nie. Indien jy enige griepsimptome toon, bly asb ter wille van jou eie en ander se veiligheid by die huis.

Digitale dienste het gekom om te bly en sal, soos altyd, beskikbaar gestel word.

## **PROGRAM VIR DIE WEEK:**

### **Sondag 2 Mei**

#### **09:00 EREDIENS**

Ons verwelkom vanogend vir ds Eldré Bester van Algoa Gemeenskapskerk.

<https://youtu.be/II1WgpXLtHO> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar. Deurdankoffer by die erediens gaan vir Maranatha

### **Maandag 3 Mei**

**Skole begin vir die 2de Kwartaal**

**09:30 BIDUUR BY KKU**

**12:45 GEMEENTEBIDUUR**

Ons hou Maandae 'n gebedsgeleentheid in die konsistorie, maar ook via Zoom. Almal is welkom. Kontak Niekie indien jy wil saam bid of 'n gebedsversoek het.

**17:30 MUSIKEBEDIENING**

**19:00 GEMEENTEBEDIENING**

### **Dinsdag 4 Mei**

**10:00 en 11:00 DIENS BY STELLA LONDT**

#### **Voedselhulp aan PE-Noord**

Ons help weekliks ongeveer 30 gesinne met kospakkies en ander benodighede. Dankie vir elkeen se ondersteuning.

**Behalwe vir die skenkings van kos en klere ontvang, is reeds R184 414 gebruik om kos aan te koop.**

**Die gemeente se beskikbare fondse vir hierdie projek is baie min. Kontant donasies kan in ons kerk se bankrekening gemaak word. Merk dit asb. duidelik vir PE Noord.**

Skenkings kan hierdie week op Dinsdag by Piet en Sonja Spies (Cassialaan 82) afgelaai word. U kan meer inligting op ons webblad kry of vir Sonja Spies (084 516 4925) kontak.

### **Woensdag 5 Mei**

**KERKKANTOOR**

Die kerkkantoor sal elke Woensdag van 08:00 tot 12:00 oop wees. Maak 'n afspraak by Niekie indien jy kerkkantoor toe wil kom. **Geen persoon sal sonder 'n masker toegelaat word nie.** Volg asb die regulasies.

### **Vrydag 7 Mei**

**05:00 MANNEGROEP**

Die mannegroepbyeenkoms vergader by Frans Stapelberg, Carnationlaan 15. Indien jy wil deel word, kontak vir Frans vir meer besonderhede by sel: 082 773 6205.

#### **Die pad vorentoe.**

'n Medeleraar is nodig vir Kraggakamma Gemeente. Die bedieningsbehoefte en -uitdagings is groot en ons finansies laat dit toe. Ons moet bid vir die proses. Kandidate is verminder na die volgende 3 aansoekers (in alfabetiese volgorde): Nicola Alberts, Elsché Eygelaar en Du Toit Wessels. Ons nooi slegs 2 van die kandidate vir preekbeurt. Elsché Eygelaar preek op 9 Mei en Toit Wessels preek op 23 Mei. Daarna sal die kerkraad in 'n vergadering die beroep uitbring. Ons vra dat julle as gemeente saam met die Pre Advies en kerkraad sa bly bid vir die proses.

Die nut van die huidige pastorie, asook herstelwerk wat gedoen moet word, moet ondersoek word. Die moontlikheid om die pastorie te verkoop en eerder 'n subsidie te gee, sal verder ondersoek word.

#### **BOURESERWEFONDS**

Ons geboue is ook 'n getuigenis dat ons God se fontein van liefde is. Die kerk kompleks benodig groot opknappingswerk soos bv verf, facia's, oorhange, geute ens. Daar moet ook werk by die Gazanialaan pastorie gedoen word. Die totaal van die herstelwerk- en opknappingswerk beloop na raming baie naby aan 'n miljoen rand. Die werk sal oor 'n tydperk aangepak word soos fondse beskikbaar raak.

Ons boureserwefonds is uitgeput na die verbetering aan die kerkgebou.

Ons weet dit is moeilike tye vir baie van ons, maar as die Here vir u geseën het, oorweeg dit asb biddend of jy nie kan help om weer die fonds te versterk nie. Oorweeg dit asb ook om in jou erflating 'n paar rand aan die fonds na te laat.

## **VERJAARSDAE**

Ons wens die volgende lidmate geluk met hulle verjaarsdae:

- 2 Mei Crishell Coetzee, Zanike Coetzer, Anje Potgieter, Ilse van Niekerk en Leila Venter
- 3 Mei Janine Coetzee, Marietjie le Roux, Yvette Nell, Hendré Potgieter, Carika van Heerden en Piet Venter
- 4 Mei Ryno Muller, Talita van Rensburg, Dian van Wyk en Minette van Zyl
- 5 Mei Rieke Jooste, Susan Pretorius, Hanro van Rooyen, Wihan van Rooyen en Allesandri Vosloo
- 6 Mei Francois Fourie, Jane Nel, Roenel van Rooyen en Huan Visagie
- 7 Mei Ria Dreyer, Sakkie Rossouw, Willem Stassen en Philip Vivier



## **DANKOFFER**

Die eerste maand van ons nuwe finansiële jaar is verby en ons kon ons finansiële verantwoordelikhede, met 'n klein tekort, nakom. Baie dankie vir elkeen se dankbaarheidsbydrae. Ons versoek u om steeds die Here met u finansiële offer van dankbaarheid te bly dien. Die dankoffers kan direk in die kerk se bankrekening of deur middel van SnpScan betaal word.

Die kerk se bankbesonderhede is:

NG Kraggakamma  
Absa Tjekrek 1400590091  
Takkode 632005



## **KLEUTERSKOOL BIBLIOTEEKPROJEK**

Ons ondersteun Ds Derick Meyburgh wat oa betrokke is by veertig kleuterskole in die distrikte van Cala en Elliot in die landelike Oos-Kaap. Hy wil graag 'n leeshoekie by elke kleuterskool beskikbaar stel. As elkeen van die 40 kleuterskole tien boeke kan kry, benodig hul 400 boeke om mee te begin.

Daar is nou 'n NGO wat isiXhosa boekies beskikbaar stel vir R10.00 per boekie. As u 'n bydrae tot die projek wil maak, betaal dit oor in die kerk se rekening en dui asb aan dat dit vir die Kleuterskool Biblioteekprojek is.